

**AKT THEMELIMI  
DHE  
STATUT  
I  
BRICK ENERGY SHPK**

**Neni 1  
Emërtimi**

1.1 Emërtimi i shoqërisë është **“BRICK ENERGY” SHPK** me poshtë e quajtur “Shoqëria”.

**Neni 2  
Personaliteti juridik**

2.1 Shoqëria fiton personalitet juridik me regjistrimin e saj në Regjistrin Tregtar pranë Qendrës Kombëtare të Biznesit.

**Neni 3  
Selia**

3.1 Selia e Shoqërisë është në adresën: Fshati Derven, ndërtesë private 2 katëshe, ngjitur me Fabrikën e Tullave, Zona Kadastrale 1475, Nr. Pas 250/84, Durrës Fushë Krujë, Fshati Derven.

3.2 Shoqëria mund të hapë dhe mbajë zyra dhe/ose të kryejë aktivitete në vende të tjera, brenda ose jashtë Republikës së Shqipërisë, si dhe të hapë ose mbyllë zyra në vende të ndryshme, përveç selisë së Shoqërisë, brenda territorit shqiptar.

**Neni 4  
Kohëzgjatja**

4.1 Kohëzgjatja e Shoqërisë është për një periudhë kohore të pacaktuar, duke filluar nga data e regjistrimit në Regjistrin Tregtar pranë Qendrës Kombëtare të Biznesit.

**Neni 5  
Objekti**

5.1 Prodhimi i energjisë elektrike përmes shfrytëzimit të metodave të ndryshme teknologjike, veçanërisht i metodave që shfrytëzojnë burimet e rinovueshme natyrore. Shoqëria gjithashtu mund të ndërtojë edhe impiantet e prodhimit të energjisë elektrike, të realizojë menaxhimin, operimin, administrimin dhe shfrytëzimin e tyre, të realizojë kërkime në fushat e energjisë së rinovueshme, trajnime dhe bashkëpunime të ndryshme, të financojë organizata jofitimprurëse, institucionet universitare dhe akademike dhe aktivitete të tjera në fushën e energjisë së rinovueshme, të bashkëpunojë me organet publike, shtetërore, qendrore dhe/ose vendore, me subjekte dhe organizata kombëtare dhe ndërkombëtare për realizimin e aktivitetit të saj, etj.

5.2 Aktiviteti sa me sipër duhet të kryhen në përputhje me dhe brenda kufijve të përcaktuar me ligj.

5.3 Gjithashtu, Shoqëria mund të kryejë çdo aktivitet tjetër biznesi që lidhet me veprimtarinë e saj, i cili nuk është i ndaluar nga ligji i zbatueshëm në Republikën e Shqipërisë.



## **Neni 6**

### **Kapitali i Shoqërisë**

6.1 Kapitali themeltar i Shoqërisë është në vlerën **100,000.00 (njëqind mijë) Lekë**. Kapitali i Shoqërisë është nënshkruar dhe përbëhet përbëhet në tërësi nga dy ortakë (dy kuota).

6.2 Kapitali i Shoqërisë i Shoqërisë është nënshkruar dhe zotërohet nga:

**Z. Zef Shtjefni**, shtetas shqiptar, lindur në Patalej, më 10.04.1960, mbajtës i kartës së identitetit nr. 034837104, dhe numër personal G00410383B, madhor dhe me zotësi të plotë për të vepruar, i cili është **mbajtës i një kuote në kapitalin aksionar me një vlerë të barabartë me kontributet e saj në vlerën 55,000.00 (pesëdhjetë e pesë mijë) lekë që përfaqëson 55% (pesëdhjetë e pesë përqind) të kapitalit të Shoqërisë;**

dhe

**Z. Petrit Shijaku**, shtetas shqiptar, lindur në Arrameras, më 15.04.1959, mbajtës i kartës së identitetit nr. 036121694, dhe numër personal F90415081E, madhor dhe me zotësi të plotë për të vepruar, i cili është mbajtës, **i një kuote në kapitalin aksionar me një vlerë të barabartë me kontributet e saj në vlerën 45,000.00 (dyzet e pesë mijë) lekë që përfaqëson 45% (dyzet e pesë përqind) të kapitalit të Shoqërisë;**

6.3 Kuotat janë të zakonshme dhe lirisht të transferueshme sipas kushteve të parashikuara në ligj dhe këtë Statut.

6.4 Përgjegjësia e ortakëve për humbjet e Shoqërisë shtrihet në vlerën e pashlyer të kontributit të nënshkruar.

## **Neni 7**

### **Zmadhimi i kapitalit**

7.1 Zmadhimi i kapitalit bëhet me vendim të Asamblesë së Përgjithshme sipas nenit 13 të këtij Statuti.

7.2 Zmadhimi i kapitalit mund të bëhet me derdhje në para ose me kontribute në natyrë. Në çdo rast këto kontribute duhet të shoqërohen me një certifikatë për nënshkrimin e tyre ose një raport vlerësimi të kontributeve të kryer nga një ekspert i vlerësimit të kontributeve në natyrë.

## **Neni 8**

### **Zvogëlimi i kapitalit**

8.1 Zvogëlimi i kapitalit bëhet me vendim të Asamblesë së Përgjithshme me propozim të administratorit/ëve, vetëm në rastin kur Shoqëria mund të pësojë humbje të tilla që ta bëjnë të domosdoshëm këtë zvogëlim.

8.2 Asambleja e Përgjithshme vendos për zvogëlimin e kapitalit sipas nenit 13 të këtij Statuti.



## **Neni 9**

### **Transferimi i kuotave**

9.1 Transferimi i kuotave ose pjesëve të tyre të kapitalit të Shoqërisë mund të bëhet me shitje, trashëgimi, dhurim ose me çdo mënyrë tjetër të parashikuar nga ligji.

## **Neni 10**

### **Transferimi tek personat e tretë**

10.1 Në rast transferimi me anë të një akti ligjor midis të gjallëve, shitjes ose dhurimit të kotave tek palët e treta, ortaku i cili synon të transferojë kuotën e tij tek një palë e tretë duhet të komunikojë vullnetin e tij përmes komunikimit me shkrim drejtuar Administratorit, duke treguar emrin e blerësit, çmimin e blerjes dhe të gjitha kushtet e tjera të propozimit

## **Neni 11**

### **Asambleja e Përgjithshme**

11.1 Asambleja e Përgjithshme është organi më i lartë vendimmarrës i Shoqërisë dhe merr vendime kur është mbledhur rregullisht.

11.2 Vendimet e marra nga Asambleja e Përgjithshme, e thirrur dhe e mbledhur rregullisht, në përputhje me ligjin dhe me këtë Statut janë të detyrueshme për të gjithë ortakët përfshirë ata që mungojnë.

11.3 Asambleja e Përgjithshme mbledhet në rastet e parashikuara nga ky Statut, nga ligji në fuqi “Për tregtarët dhe shoqëritë tregtare”, ligje të tjera dhe sa herë është e nevojshme për mbrojtjen e interesave të Shoqërisë.

11.4 Asambleja e Përgjithshme mbahet në selinë e Shoqërisë ose në çdo vend tjetër të shënuar në njoftimin për mbledhje. Njoftimi për mbledhje i dërgohet me shkrim të gjithë ortakëve jo më vonë se 7 (shtatë) ditë përpara datës së mbledhjes. Njoftimi duhet të përmbajë vendin, datën, orën dhe rendin e ditës së mbledhjes.

11.5 Mbledhja e Asamblesë së Përgjithshme thirret nga administratorët. Thirrja e Asamblesë së Përgjithshme mund të kërkohet edhe nga ortaku ose ortakët që përfaqësojnë të paktën 5% të kapitalit të shoqërisë me të drejtë vote në Asamblenë e Përgjithshme.

11.6 Asambleja e Përgjithshme thirret në sesione të zakonshme e jashtëzakonshme.

## **Neni 12**

### **Asambleja e Zakonshme**

12.1 Asambleja e zakonshme mbledhet, çdo vit brenda gjashtë muajve nga data e mbylljes së vitit financiar, për miratimin e raportit të administratorëve, pasqyrave financiare dhe llogarive vjetore.

12.2 Vendimet e zakonshme merren nga ortakët me të drejtë vote, të pranishëm në mbledhjen e asamblesë, që përfaqësojnë të paktën 51% të kapitalit të Shoqërisë.



12.3 Nëse nuk arrihet kuorumi sipas pikës 12.2, Asambleja do të mbledhet përsëri jo më vonë se 30 ditë me të njëjtin rend dite. Nëse edhe në mbledhjen e dytë nuk do të arrihet kuorumi i nevojshëm, ortakët e pranishëm përbëjnë kuorumin e kërkuar për marrjen e vendimit.

### **Neni 13** **Asambleja e Jashtëzakonshme**

13.1 Asambleja e Përgjithshme thirret në sesione të jashtëzakonshme sa herë është e nevojshme për marrjen e vendimeve në interes të Shoqërisë.

13.2 Vendimet që kanë të bëjnë me (por pa u kufizuar vetëm në to): ndryshimin e këtij Statuti, zmadhimin ose zvogëlimin e kapitalit të Shoqërisë, ndryshimin thelbësor të objektit të veprimtarisë së Shoqërisë, ndarjen e fitimeve, prishjen e Shoqërisë, konsiderohen vendime të jashtëzakonshme.

13.3 Vendimet e jashtëzakonshme merren nga ortakët me të drejtë vote, të pranishëm në mbledhjen e asamblesë, që përfaqësojnë të paktën 51% të kapitalit të Shoqërisë.

13.4 Nëse nuk arrihet kuorumi sipas pikës 13.3, asambleja mbledhet përsëri jo më vonë se 30 ditë me të njëjtin rend dite. Në rast se në mbledhjen e dytë nuk arrihet kuorumi, ortakët e pranishëm ose rregullisht të përfaqësuar do të përbëjnë kuorumin.

### **Neni 14** **Pjesëmarrja, Votimi dhe Përfaqësimi**

14.1 Secili ortak ka të drejtën e pjesëmarrjes dhe të drejtën e një vote në mbledhjen e Asamblesë së Përgjithshme. Vota e secilit prej ortakëve është e barabartë me vlerën e kontributeve të nënshkruara dhe shlyera dhe përlogaritjet në proporcion me përqindjen e zotëruar dhe që përfaqëson në kapitalin e Shoqërisë.

14.2 Secili ortak mund të përfaqësohet në mbledhjet e Asamblesë nga një ortak tjetër apo nga një person i tretë me autorizim. Autorizimi mund të jepet vetëm për një mbledhje të Asamblesë së Përgjithshme, e cila përfshin edhe mbledhjet vijuese me të njëjtin rend dite.

### **Neni 15** **Kompetencat e Asamblesë së Përgjithshme**

15.1 Asambleja e Përgjithshme vendos për:

- a. përcaktimin e politikave tregtare;
- b. ndryshimin e Statutit;
- c. emërimin dhe shkarkimin e Administratorit/ëve dhe caktimin e shpërblimit të tij/tyre;
- d. emërimin dhe shkarkimin e likuidatori/ëve dhe ekspertëve kontabël të autorizuar dhe shpërblimin e tyre;
- e. mbikëqyrjen e zbatimit të politikave tregtare nga administratorët, përfshirë përgatitjen e pasqyrave financiare vjetore dhe raporteve të ecurisë së veprimtarisë;
- f. miratimin e pasqyrave financiare vjetore dhe raportet e ecurisë së veprimtarisë;
- g. miratimin e zmadhimit dhe zvogëlimit të kapitalit të Shoqërisë;
- h. pjesëtimin e kuotave dhe anulimin e tyre;



- i. përfaqësimin e Shoqërisë në gjykatë dhe në procedime të tjera kundër administratorit/ëve;
- j. shpërndarjen e fitimeve;
- k. riorganizimin dhe prishjen e Shoqërisë;
- l. miratimin e rregullave procedurale të mbledhjeve të Asamblesë së Përgjithshme;
- m. çështje tjetër të caktuar nga ligji ose nga ky Statut.

## **Neni 16** **Administratori/ët**

16.1 Shoqëria administrohet nga një ose disa Administrator, i/të cili/ët është/janë person fizik, i/të zgjedhur brenda ose jashtë bashkësisë së ortakëve, të cilët emërohen nga Asambleja e Përgjithshme. Në rast të administrimit të Shoqërisë nga dy administratorë, Shoqëria do të administrohet në mënyrë të përbashkët nga të dy administratorët sipas ligjit.

16.2 Administratori/ët emërohet/n për një periudhë **5 (pesë) vjeçare**, me të drejtë riemërimi.

16.3 Administratori/ët shkarkohet/n nga detyra, në çdo kohë, me vendim të zakonshëm të Asamblesë së Përgjithshme sipas ligjit.

16.4 Administrator i Shoqërisë do të jete:

- **Z. Viktor Nikolli, shtetas Shqiptar lindur më 16.11.1961 në Rreja e Velës, banues në Tiranë, mbajtës i kartës së identitetit me numër 035702585 dhe numër personal G1116015B, madhor dhe me zotësi të plotë për të vepruar.**

## **Neni 17** **Kompetencat e Administratorit**

17.1 Administratori është/janë përgjegjës për çështjet e përditshme të Shoqërisë dhe përfaqëson/jnë Shoqërinë në marrëdhënie me të tretët në përputhje me dispozitat e Statutit ose ligjit të zbatueshëm.

17.2 Administratori ka të gjitha kompetencat e zakonshme dhe të jashtëzakonshme për administrimin e Shoqërisë, përveç atyre që sipas Statutit ose ligjit të zbatueshëm i takojnë Asamblesë së Përgjithshme.

17.3 Asambleja e përgjithshme mund të vendosë ushtrimin e kompetencave të administratorëve, në rast se ka më shumë se një administrator, veç e veç ose së bashku.

17.4 Administratori ka në kompetencat dhe detyrat e mëposhtme:

- a. mbikëqyr dhe zbaton politikën e biznesit të Shoqërisë;
- b. përfaqëson Shoqërinë;
- c. kujdeset që Shoqëria të zbatojë ligjet dhe standardet e mbajtjes së llogarive;
- d. përgatit dhe nënshkruan bilancin dhe raportin e ecurisë së veprimtarisë dhe së bashku me propozimet për shpërndarjen e fitimeve ja paraqet Asamblesë së Përgjithshme për miratim;
- e. siguron që deklaratat e llogarive vjetore si dhe raporti i ecurisë së biznesit dhe çdo deklaram tjetër i detyrueshëm sipas ligjit ose statutit, janë bërë siç duhet;



- f. siguron që auditimi i librave dhe i të dhënave kryhet të paktën një herë në vit nga ekspertë kontabël të certifikuar dhe raporti i llogaritarëve publikë të certifikuar t'i vihet në dispozicion Asamblesë së Përgjithshme;
- g. merr në punë personelin;
- h. krijon një sistem paralajmërimi në kohën e duhur për rrethanat që kërcënojnë mbarëvajtjen e veprimtarisë dhe ekzistencën e Shoqërisë;
- i. raporton përpara Asamblesë së Përgjithshme lidhur me zbatimin e politikave tregtare;
- j. kryen çdo detyrë tjetër të caktuar nga ligji ose statuti.

## **Neni 18** **Viti ushtrimor financiar**

18.1 Viti ushtrimor financiar fillon më 1 janar dhe mbaron më 31 dhjetor të çdo viti. Përbashimisht, viti i parë financiar fillon në datën e regjistrimit të Shoqërisë në Regjistrin Tregtar dhe përfundon më 31 dhjetor.

## **Neni 19** **Shpërndarja/likuidimi**

19.1 Për shpërndarjen e Shoqërisë, në çdo kohë dhe për çdo arsye, si dhe për likuidimin dhe për emërimin e likuidatorëve, do të vendoset sipas dispozitave të ligjit shqiptar në fuqi.

## **Neni 20** **Dispozita Përfundimtare**

20.1 Shoqëria do të zhvillojë aktivitetin e saj në përputhje të plotë me këtë Statut dhe me ligjin shqiptar. Për sa nuk është parashikuar në këtë Statut, do të aplikohen dispozitat e legjislacionit shqiptar të zbatueshëm në fushën e shoqërive tregtare.

20.2 Çdo konflikt që mund të lindë në lidhje me zbatimin dhe interpretimin e këtij Statuti, si dhe çdo konflikt që mund të lindë midis Shoqërisë dhe të tretëve, në rastet e përgjegjshmërisë, dhe raste të tjera, do të jetë objekt i zgjidhjes nëpërmjet vendimit të gjykatave shqiptare.

20.3 Ky Statut mund të ndryshohet, rishikohet dhe/ose shfuqizohet pjesërisht ose i tëri dhe të zëvendësohet me një statut të ri me vendim të Asamblesë së Përgjithshme.

20.4 Ky Statut është hartuar në dy kopje, një në gjuhën shqipe.

*Nënskruar, sot më datë 20.11.2024 në Tiranë.*

## **ORTAKËT**

**ZEF SHTJEFNI**

**PETRIT SHIJAKU**

**Përfaqësuar rregullisht nga Lorena Uliu përmes prokurës Nr. Rep. 1477, Nr. Kol. 248, dt. 20.11.2024**

